

# 北洋官報

目錄

宮門抄  
 奏議○護直督奏典史俸滿保薦片△又奏知州請以知府補用片△又奏縣丞改獎片△民政部奏嚴定各廠院米石數目並擬通收發辦法摺△御史崇奏請飭民政部整頓警政摺  
 特別要件○護督憲演說  
 公牘○南和縣等稟一件△銀行專修科王夢齡等稟一件  
 文告五則△電報七則△新聞十一則  
 彙編○彙摘江蘇諮議局講案  
 圖畫○保定農務局試驗場

本局報今加印法政學報已出

## 宮門抄

十一月初二日京電本日 召見軍機 陳夔龍

明日午刻

隆裕皇太后升養性殿受禮

## 奏議錄要

護理直隸總督崔衡水縣典史盧棟藩俸滿保薦片

再查衡水縣典史盧棟藩現年四十九歲江蘇上元縣人由監生遵新海防例報捐典史指分直隸試用光緒十六年二月到省二十年遵新海防例加捐儘先補用免試用二十二年遵兩淮鹽捐例加捐遇缺先補用咨補今職經部覆准於光緒二十七年九月二十日到任連聞扣至三十三年七月二十日初次六年俸滿由縣申州呈道咨司遞相加考會詳呈請保薦聲明該員任內並無違碍處分及叅罰案件等情前督臣端方因值駐津隨飭委臬司何彥昇代驗看得該員年力富強才具穩練堪以保薦詳覆前來前督臣端方未及核辦卸事奴才到任接交覆查無異除履歷冊咨部外理合附片具陳伏乞 聖鑒敕部核覆謹 奏宣統元年十月二十六日奉 硃批吏部

知道欽此

又奏楊同高請開高平州缺以知府補用片

再在任候補知府昌平州知州楊同高現年五十歲係山西太谷縣人由廩生中式光緒壬午科舉人戊戌科大挑一等引 見奉 旨以知縣指分直隸八年四月十六日到省十五年因海運出力保俟補缺後以直隸

州知州在任候補歷署大興武清大城交河等縣三十二年補文安縣知縣三十四年升補今職宣統元年二月到任因前在大興縣任內拿獲斬臬盜犯多名奏保免補直隸州知州以知府在任候補該員請開本缺以知府仍歸直隸補用稟經府尹臣以該員才識宏通勤求治理歷任大興等縣所至有聲洵屬爲守兼優不可多得之員應請准其開去昌平州本缺以知府仍歸直隸補用咨行到直飭據藩學臬三司核明詳奏前來前督臣端方未及核辦卸事奴才到任接交覆查無異理合會同兼管順天府府尹臣陸潤庠順天府府尹臣凌福彭附片具陳伏乞 聖鑒敕部查照開缺至所遺昌平州知州要缺應俟接准部覆核明開缺日期再行照例揀補謹 奏宣統元年十月二十六日奉 硃批吏部知道欽此

又奏縣丞江炳輝保案重復請改獎片

再查前准臣楊士驤奏保光緒三十三年永定河北四等汛大工合龍出力案內有北河試用縣丞江炳輝請補缺後以知縣在任候補經部覆准轉行遵照在案嗣據永定河道呂佩芬查得江炳輝於光緒二十二年永定河北中汛大工出力保准俟補缺後以知縣用此次保獎係屬重複擬請改獎俟歸知縣後加同知銜具詳請奏前來前督臣端方未及核辦卸事奴才到任接交覆核無異合無仰懇 天恩俯准照擬改獎以昭激勸理合附片具陳伏乞 聖鑒敕部核覆謹 奏宣統元年十月二十六日奉 硃批該部核覆具奏欽此

民政部奏援案請 賞米石並覈定各廠院實需數目及變通收養貧民辦法摺

奏爲援案請 賞米石並核定各廠院實需數目及變通收養貧民辦法恭摺陳仰祈 聖鑒事竊查京城

向辦粥飯各廠每年蒙 恩賞給米石迭經欽奉 諭旨飭令變通辦理酌改教養工廠業由臣部於上

年十月奏請米石時將歷年遵辦教養局及添設工廠改撥米石情形開單具奏並請 加恩賞給稷米六百

石以資補助奉 旨允准在案一年以來經臣等督飭內外城巡警廳員悉心體察通籌辦法現已略有端倪

擬請將上年單開各廠院實需米石即於原領及改撥各款內如數撥給其武甯館東城煖廠南城內坊天慶寺給

孤寺增壽寺永光寺等飯廠七處玉泉庵磚塔胡同西悅生堂玉清觀等粥廠四處即行停辦特於外城適中之萬

明寺設立收養貧民所以爲京師貧民之不堪工作者冬季就食之處且各養濟院之不能容納者亦可藉此爲補

助之方所有應需米石由該廳員於上次加撥六百萬石內就各廠院揀節所餘量爲支撥不拘定額以廣 皇仁

仍由臣部隨時派員督查無使虛糜並請將停辦飯廠七處之柴薪銀兩併入留辦飯廠八處內按月照案請領藉

資地注其停辦之玉泉庵等名目應即刪除俾昭核實至掛甲屯之成善教養局既經併入單內此後亦無庸另案

請領以歸簡易理合繕單具陳伏乞

皇上聖鑒謹 奏宣統元年十月十七日奉 旨依議欽此

謹將各局廠應領米石繕具清單恭呈 御覽 計開 改辦工廠五處 育善教養工廠現需米三百六十石

普善教養工廠現需米三百六十石 同善教養工廠現需米三百六十石 普慈教養女工廠現需米三百六

十石 成善教養局現需米三百六十石 創辦工廠二處 商水會公立工廠現需米三百六十石 內城博濟

工廠現需米五百六十石 留辦養濟院四處 公善養濟院現需米五百四十石 利仁養濟院現需米三百六

十石 興善養濟院現需米三百六十石 崇善女養濟院現需米三百六十石 留辦城外粥廠四處 南海會

寺現需米一百五十石 繼德堂現需米三百石 同德堂現需米三百石 清真粥廠現需米一百五十石 以

上工廠七處養濟院七處城外粥廠四處現需米五千二百四十石查原領各粥廠米四千一百四十石又停辦飯

廠七處改撥米一千一百九十石又加 恩賞給米六百石共應領米五千九百三十石均請如數發給除各廠

院現應需米五千二百四十石外所餘米石以備各處糜耗活支隨時擴充等項並添設萬明寺收養貧民所一處

暫不定額合併陳明

御史崇芳奏京城警政請 飭民政部整頓摺

奏爲京城警政漸不如前請 旨飭下民政部力加整頓以重冬防而保內治恭摺具陳仰祈 聖鑒事竊維

警務爲治內要綱京師爲各省表率近年內外城開辦警察保護商民頗稱得力嗣改段爲區警額已見減少然猶可勉敷應差近以撙節經費裁併廳區諸務未免退化卽以守望一事而論從前崗位銜接普及僻巷近則惟馬路稀疏有大僚門巷擇要有之其餘大小街巷或經旬累月不見警蹤馬路之巡警亦惟白晝之時至入夜則風閣虛設或連經數段寂無一人且此白晝之巡警認真盡職固不乏人而不習警章遇事畏葸者亦復所在多有甚至車馬馳驟傷人方且熟視而若無睹推其致此之由實緣裁併以來每區所轄住戶鋪戶各已數千家地面遼闊防護難周而額設巡警祇各百餘名確有顧此失彼不敷分布之勢重以區官巡官迭有更調平日熟悉地方情形各員或以筆墨不甚優長考試見抑而備位在職者或人地生疏著手無策或權力微細掣肘良多警官督察又漸緩弛由是守望要務遠遜從前刻值冬防喫緊盜蹤火警在在堪虞防範一時且未可恃又安望積久不懈保衛人民伏思 朝廷重視警政特設專部以爲董理所以謀內治者不爲不殷乃近在京城警力如此單薄更何以風示各省逐次推行應請 旨飭下民政部責成內外城各廳區速增警額添設守望訓練督察力戒始勤終怠之弊實於京城地方大有裨益奴才爲整飭警政起見是否有當謹恭摺具陳伏乞 皇上聖鑒訓示謹 奏宣統元年十月十六日奉 旨已錄

### 特別要件

護督憲崔十一月初一日蒞出品協贊會開幕演說

世界進化奚由進乎曰進於實業實業者爲人類進化之代表卽以規人民生活之程度書載利用厚生大學言生財有道徵之經典已賅其要泰西諸國先我著鞭實業之盛也其進行人人競爭其競爭在物物比賽故能戰勝於無形我國地大物博胡爲甘居其後 漚陽尙書乃有南洋勸業會之擷舉列郡興起視爲先河直隸爲京師屏障論物產則饒沃言人智則宏毅計自籌備以來締造經營六閱月於茲矣調查徵集吏屬於道分部別居日不暇給而或虞其闕失焉爲展覽進行以研究之使渙者萃闕者補疏者密共同參考而毋蔽於私且斯會也有 午帥提其綱復得 筱帥繼其績僚吏有司與夫邦之士大夫羣策羣力以成其美知明歲南洋赴賽有以占優勝之地位獲最良之效果固可決也鄙人承乏斯邦與參末議近者忝奉 恩命護理督篆而是會適開幕斯時欣悚

交并將於是不觀禮竊維進行方針密益加密不厭求詳思有以慰 午帥者答 敬帥諒亦蒞會諸君子所樂與贊成者乎是則可爲斯會慶也已

### 公牘錄要

#### 銀行專修科附生王夢齡等稟請廣設儲蓄銀行文並批

爲多招商股廣設銀行懇恩提倡以資儲蓄而蘇民困事竊生等以爲銀錢者小民所賴以生活也積蓄者銀錢所賴以增加也儲蓄銀行者又積蓄所賴以收效也小民非銀錢斷難生活銀錢非積蓄斷難增加積蓄非儲蓄銀行斷難收效今試有甲乙二人於此一月所得之儲金假令皆爲銀元五枚又假令其家人生活所必需皆耗其五之四而甲則以餘銀一枚爲數亦甚寡矣故無所恃以生利或徜徉於博戲之場或供給奢侈之用不數日間且并此而喪之而乙則以餘銀一枚用爲母財化生而無則積月累年以計算之一枚至十枚百枚或至千枚萬枚同一枚也喪之則一枚皆空積之則千金可望此儲蓄銀行所以不可緩設也况近數年來振興學務創設巡警舉行自治建立工廠已辦之新政需款已多融和滿漢改定官制推廣教育籌設海軍待辦之新政需款尤巨於是今日議加捐明日議重稅今日鹽勛加價明日印花定稅國家之需款正多小民之生財有限兼以黃河一帶民命難堪灑水兩旁民生已困當此之時處此之勢竊恐新政之籌辦未完小民之脂膏已竭矣脂膏竭則衣食缺衣食缺則廉恥喪廉恥喪則農不安於農工不安於工商或搶劫官鹽或勾結賊匪或因辦席捐而起釁或以查戶口而圍城此情此事揆厥由來未始非小民無業之所致也今欲使小民守分必先使之知廉恥欲使之知廉恥必先使之足衣食欲使之足衣食必先使之知儲蓄欲使之知儲蓄必先於各州縣設立儲蓄銀行或曰愚嘗見城鎮都市之間銀局錢舖林立通衢何者不可以存儲何必立儲蓄銀行爲不知銀局錢舖只知術工壟斷不思利濟小民故於豐富之家多數之款則歡迎之貧窶之家零碎之款則謝絕之而窮民無可如何只得剩餘之錢自己保存而已此銀局錢舖之不便小民者一也彼豐富之家多數之款既歡迎而爲之存儲矣然存儲一月則一月無息存儲一年則一年無息徒藏於舖面反不如自藏之爲愈也此銀局錢舖之不便小民者二也不甯維是市井之徒資財未豐取引心熱因以極少之資本或組織一銀局或開張一錢舖上則未立案於商部中則未通知於商會下則未

取保於商店此中情景小民何知於是今日來存儲者若而人明日來存儲者若而人後日來存儲者又若而人在金融圓滿商事活潑之際非不極一時之盛及一旦市場恐慌既無準備金以防不測又無積立金以備不虞彼商業倒閉不足恤而債主以汗血之代價幾歷艱辛而始有如許之金錢乃不轉瞬間皆歸於無何有之鄉誠可惜也此銀局錢舖之不便小民者三也銀局錢舖之不便小民若此此儲蓄銀行所以不可緩設蓋儲蓄銀行無論貧者富者貴者賤者多者寡者皆得奔赴而存儲既存儲矣皆得計算以復利本能生利利復生本本利相加源源不絕將見不數年間民由此而豐矣民豐則衣食足衣食足則知禮義既知禮義雖稍背於理之事且不屑爲况敢藉端滋事耶獨是儲蓄一事於小民之利益固大矣母乃有損於銀行乎不知小民以金錢來存儲不過付以底率之利息而銀行仍得以小民所存儲之金錢轉預存於中央銀行或商業銀行而得稍高之利率高率與底率之差其利益不爲不多矣安得謂有損於銀行乎銀行既無所損小民又獲其利面面俱圓誠吾直省療貧一良劑也各州縣誠多招商股或半用商股半用官股於城內先試辦一所官府則出示曉諭銀行則張貼廣告務使言行相符信用不失俟辦有成效然後於各州縣之各市場或設分行或設出張所俾到處得享其利盡人皆知其便將人人共樂存儲家家漸臻豐富又於此告以國家之艱難曉以國民之義務不特舉辦新政毫無滯礙即賠償國債亦不難矣孔子曰百姓足君孰與不足此之謂歟然欲立儲蓄銀行必須黜單式簿記而用複式簿記蓋單式簿記記載既無定章數目尤易混雜無定章則記者可以舞弊易混雜則閱者必難瞭然故數年來關於商事訴訟諸案往往查賬人不能清查遂含糊了事者職此故耳若複式簿記則大異於是一課有一課之手續一課即有一課之簿記一課有一課之簿記一課即有一課之記賬方故出納課之記賬方則管現金出入之簿記預金課之記賬方則管預金課之簿記貸付課之記賬方則管貸付課之簿記匯兌課之記賬方則管匯兌課之簿記文書課之記賬方則管文書課之簿記計算課之記賬方則總諸課之簿記而另爲一種簿記其變化無窮若風雲然其機關相聯若指臂然故一課之簿記稍差而諸課之簿記即不能清補助之簿記稍差而主要之簿記即不能清是以一課有弊各課盡知一人有弊人人盡知不特此也各課之簿記以計算課之簿記爲主計算課之簿記清各課之簿記即無不清計算課之簿記以勘定元賬殘高表爲主殘高表之數目清計算課之簿記即無不清又且一日一結一結一清既清

且結而現金之殘高復以朱筆記之俾查賬人無論何日不拘何時簿記一展昭然若揭此複式簿記勝於單式簿記者此也然欲用複式簿記必須使行員有複式簿記之智識欲行員有複式簿記之智識不可不擴充銀行學堂北洋銀行學堂計惟三處一北京財政學堂內之銀行科一北京銀行學堂一天津銀行專修科然北京銀行學堂肄業各生雖百餘人尙不敷大清銀行之派遣其人才不能他用也明矣以生等愚見不如卽銀行專修科而擴充之多招文理清通家道殷實之人教以銀行簿記銀行事務銀行實習銀行論商經濟學數門門類既少進益必速大約一年卽可畢業款項不多耗人才自可叢出將見不數年間人才不可勝用矣人才既足各州縣之儲蓄銀行可成立矣成立以後俾遵銀行定章勿蹈錢舖積習若從此辦起儲蓄之效可立而待也不然列強環伺莫不向我直省引領垂涎我不速立銀行恐他人先我著鞭矣生等在堂肄業本不宜上稟多瀆然際此時局多艱苟於公益稍有所補實不敢不上陳也爲此不揣冒昧叩懇 督憲大人恩准倡辦儲蓄銀行以資積蓄而蘇民困則閩省小民共祝 公侯萬代矣上稟

護督憲崔

批據稟已悉仰天津銀號查核飭遵具報鈔稟批發繳

南和縣似令錫章任縣謝令昺麟稟奉委會驗任縣挑挖聖水順水等河并呈印驗各結請查核文並批

敬稟者竊卑職錫章接奉本府札委以蒙藩司批據任縣分稟挑挖順水聖水等河工竣均蒙批府作速委員前往任縣親詣河工會同驗明是否一律深通有無草率偷減飭令卑職錫章會同詣驗明確分具印驗各結尅日會銜通稟查核等因蒙此遵於九月二十三日馳抵任縣會同卑職昺麟先往聖水河查該河在縣治西北發源距城十五里東入於灋計長二十八里係沿河二十一村分四段挑挖隨驗得第一段自聖水泉起東耿莊等十村共挑河九百十八丈三尺第二段大工三北張三村共挑河一千三百二十二丈八尺八寸第三段六屯四莊計十村共挑河九百三十五丈六尺第四段嶺南等四村至大灋河止共挑河一千五百六十七丈又驗得由唐山縣入境至劉家屯東入聖水河止所挑柳林河一段計長一百四十七丈以上聖水柳林兩河統共長四千八百九十丈八寸其河面寬二丈八尺底寬一丈八尺深八九尺不等驗畢日已薄暮在卽旋署次日又赴順水河查該河路村等六村係按各村場地派工惟永福莊南留寨兩村係按沿河地戶計地分工驗得永福莊計挑順水河一千四百五十一

丈南留寨四百七十五丈路村九百六十丈辛益村三百六十四丈齊村二百三十一丈固城村三百二十四丈台南村二百三十七丈五尺劉莊三百五十二丈河面寬三丈五尺二尺不等底寬二丈一尺八尺不等深八尺一丈不等又留寨挑園村河一道係寨東順水河支流計長一千六百丈口寬二丈五尺底寬一丈二尺又永福莊挑牛尾河一段長一千二百三十八丈八尺口寬三丈二尺底寬二丈深八尺該莊又挑園村河一道係引牛尾河入澧河長一千六百六十三丈口寬二丈二尺底寬一丈二尺深一丈三尺以上牛尾順水兩河并南留寨永福莊園村河統共長八千八百九十五丈五尺伏查此次所挑聖水柳林順水牛尾等河現經卑職等會同親詣河工逐一勘驗委係一律深通并無草率偷減情弊民工如此可稱整齊其河堤即以河內所挑之土覆於其上雖無料物堵築亦皆穩實卑職曷麟現擬裁以柳條以期堅固而培森林除由卑職曷麟切實辦理外所有卑職錫章奉委會驗聖水順水等河工緣由理合分具印驗各結會稟 大帥查核 謹督憲崔 批據稟已悉希布政司衙門查照飭知圖結存此繳

### 文告錄要

督憲批示錄要○圍場屯墾木植事宜何道等稟請發給派弁赴保領運槍枝子彈護照由 批據稟該道等現擬派弁前往保定軍械局領運快槍三十枝馬槍二十枝子彈二萬顆并請再發毛瑟槍子四千顆候飭該局查照一併照發茲隨批發去護照一張仰即查收轉交該弁祇領起運繳

清河道告示○爲上任事照得本道奉 旨補授直隸分巡清河道擇於十月二十八日辰時接印任事合行出

示曉諭爲此示仰闔屬官吏人等知悉至期一體恭謁毋違特示

天津學務公所公啓○敬啓者南洋奏辦勸業會徵集出品教育部實爲大宗迭准該會來咨並奉 學部暨 前

督憲端札行飭速籌辦茲擬於本年終在學務公所開各學堂成績展覽會一次合亟預行通告貴堂預備教育

自製各出品務於本年十二月初十日以前彙送學務公所陳賽切勿愆期以便明年選送會場實爲公便外出

品綱目一本○又逕啓者南洋勸業會徵取教育品物業經函達各學堂於十一月初十日以前送到本所彙列

選送南洋以資陳賽并發出品綱目一册在案茲准出品協會來函定於十一月朔開展覽進行會煩即趕速徵



取在津各學堂成績品等項於開會前送交公園內出品協會以便陳列運賽等因合亟函達希即查照出品綱目教育部將貴堂成績等項檢送該會若此後成績續出并可隨時添換統希查核切速辦理爲荷

保定工巡總局批示○靳家莊村正田洛純等具稟一案 批田洛慎等聚賭抽頭情殊可惡前次擬辦僅予分別判罰苦工本係格外從寬該村正等何得不察案情飾詞請保不准

保定府批示○長垣縣把總陳凝道稟 批此案前經府訊明判斷查樊玉琢因藉口公益集股辦稅會奉 督憲

批駁不思息事輒復受人愚弄赴京營幹以冀有成致令枝節叢生釀成訟端雖已集股銀均皆出自情願並非誑騙究屬不安本分應發回大名縣暫行看管飭令隨同王得仁等將所集股銀趕緊自行清釐完結再行保釋詳蒙藩臬憲會詳咨銷應俟奉到 督憲批示即將樊玉琢發回大名縣照辦所請先行保釋之處碍難准行仰仍靜候憲示祇遵

附錄天津官事○初三日恭逢 隆裕皇太后加上徽號 護督憲於本日早八點鐘穿朝服出轅赴 龍

亭行慶賀禮闈屬文武初二日俱穿常服掛朝珠初三日俱穿補服掛朝珠至初四日仍穿常服掛朝珠一日

## 電報錄要

路透電○比利時京城消息比王現在病勢甚劇其眷屬與首相日在牀側伺候

又電○英國由開布(非洲南部)至埃及京城建築之鐵路現已竣工於十二月十一號在剛果邊界地方舉行開車典禮英比兩國官員到者甚多頗極一時之盛

柏林電○德國報界對於外部大臣舒恩氏在議院演說外交政策均極贊成惟社會黨不甚認可舒氏極力演說摩國與剛果問題英法奧義俄五國對於舒氏演說之詞亦均滿意

又電○德國將議院會議之期限由十二月十六號展至西一月十號

又電○德國前首相普魯親王偕其夫人謁見教皇

又電○希臘內閣大臣警告軍隊對於克里德島問題須以鎮靜處之

又雷○土內閣內允許英國在歐福里斯并泰克利斯兩河(亞洲土國境內)之航權大起爭論

又電○義大利森尼納氏組織新內閣已成擬自充首相兼內務大臣智司丹尼伯爵充外部大臣比徒魯氏充海軍大臣

又電○日本駐奧國使署報告日本駐奧公使聲明俄國曾宣佈日本之情形謂近來日本與俄國所訂之約日本有反對俄國之意頗爲顯然此不過日人憤懣之語至於前日伊藤公爵到哈爾濱乃爲私事非與俄國財政大臣議訂密約也

### 新政紀聞

政治

電詢常駐議員權限○憲政編查館接吉撫電云據諮議局章程第十二條常駐議員僅能協議第二十一條第九至第十二各款現在吉林諮議局已屆閉會之期督撫交令覆議事件尙有未決者可否以覆議事件爲限援照第十二條辦理請電覆飭遵照當即電覆云碼電悉查本館覆豫撫電開常駐議員照章無議決督撫交局覆議事件之權所有應行覆議事件如諮議局業經閉會應由督撫聲明緣由交常駐議員存案俟下屆開會再行交議如係緊要重大事件應開臨時會辦理等語希查照飭遵

函告議員遞補情形○天津縣議事會致楊議員希曾函云敬啓者昨於十月二十四日公同投票補選董事會會員欣悉閣下當選社會得人羣相慶幸惟尊意不肯亟亟舍此就彼擬在議事會先事匡襄仰見雅度春容令人欽佩第按自治章程議員被選時如願就董事會職員者應辭議員之職刻當董事會需人甚迫未便久作虛懸應請速就會員之職以防指摘且台駕所遺之缺應以齊君鼎升候補按期通知到會惟有敬乞文旆高翔以讓後賢進步想執事熱心公益必當一視同仁也臨穎之餘無任翹盼專此具緘肅請并頌升安統希台鑒不備又致齊君鼎升函云敬啓者前因補選董事會會員楊議員希曾當選業經通知董事會在案所遺之缺應以閣下候補想尊駕蒞議場羣相欽佩此次又經選補仍乞熱心公益爲鄉閭造福於無窮專此肅請頌頌頌頌道安諸維台鑒不備

軍政

節錄整練警兵說○深州人郭君託政寄來整練警兵以期勁旅說一篇茲特摘錄大旨以供衆覽其說云 國家之興衰在乎武備之強弱武備之強弱由乎任法任人之得失此誠不易之理也吾人動云軍威不振兵額不

足而三十六鎮陸軍尙須逐年豫備嗟乎海疆數萬里卽全軍告成亦難云足兵矣惟當此才乏餉絀之際求其兵足大非易易何如因事制宜費半功倍整練警兵之爲益也以各省現設之巡警兵嚴加整頓勤爲教練先以陸軍教練章程頒行各省警憲任以武備諳練之人管帶警兵均與之槍械子彈逐日以陸軍之法認真教練每月闔州縣之警兵合操一次兼演行軍之式依法相較以定賞罰俟春秋二季則專派知兵大員查閱闔府警兵會操一次每年各省大憲於十月查閱全省警兵大操一次嚴定優劣奏請獎罰俟陸軍退伍卽由警軍補充陸軍如此則處處皆兵處處自防旣無征調之累又無轉運之難云云

派兵分往災地揆防○鄂屬本年被水災區以沔陽天門公安江陵等州縣爲最重當道深恐有匪類勾結饑民滋事於秋卽即札派陸軍三十一標一營與二十九標一營分往各該州縣駐紮巡緝故饑民雖衆地方得以乂安現張虎臣統制因該營出防已逾百日有疏操課亟應換防將其撤調回省特稟明督院改派四十一標第一營管帶戴鈞南率所部馳往公安江陵地方第二營管帶羅連陸率所部馳往沔陽天門地方分塗扼要駐紮以便前派之兵回省該管帶奉札後卽於上月十八日拔隊起程

### 民事

青年會捐款之踴躍○天津商會總理王竹林觀察於地方一切公益無不熱心贊助今爲青年會購地建新會所之舉與創辦房山縣高綫鐵路轉運公司兼理陳梓臣總經理李子赫副總理陳秉璋總董事吳潔南魏信臣諸君商定共助款銀三千元爲紳商贊成之先導又聞呂紳王君益孫助款五百元卞君酌泉助款三百元皆爲青年會購置地基之用云

改良湖墅巡警辦法○浙省湖墅警察向由巡防局改辦現因宏源米店被劫撫憲特札飭巡警道督同府縣切實改良查省城以內警費悉由官款而湖墅巡防開辦已十六年均係盛紳鳳翔吳紳純伯諸君集合商款勉力籌辦雖服裝崗位形式似稍不及而地面遼闊人少費絀亦人所共知現於上月十五日奉巡警道札飭仁錢兩縣集紳於城北商會開會議辦派司法科長魯澄伯君幫同熟商辦理當卽投票舉定王子球蔡寅庵君爲正副巡董各舖商捐大致仍舊惟米業則擬略勸加增王子球君本爲湖墅紳商所推服現雖尙未大定得王君竭力

籌措日內當可定局至其改良之法大約以添崗位新服裝加薪餉爲最要關鍵云

### 商 務

商會辦公所落成○京師商務總會稟 商部聲稱購定正陽門外西珠市口內路南地址建築辦公之所現已工竣擇期遷居懇請立案等情部中已准備案矣

商埠設關之籌畫○東三省開埠處所籌畫設關次序擬先設琿春總關一處延吉分關兩處並派吉林克稅務司前往辦理茲克稅司擬俟陳中丞回轅面稟一切卽行赴琿春由郭觀察代覓房屋數間以資辦公矣

商團組織全省聯合大會○蘇商體育會自更舉陸仲英觀察洪少圃君爲正副會長後力求整頓日見進步前日該會接奉南洋勸業會來函擬邀請蘇地發起組織一全省聯合大會洪陸兩會長遂召集衆會員於上月十六日在雲錦公所事務所開會議辦法衆皆贊成當卽修函郵覆勸業會請先函邀滬上商團爲發起一面並分致武陽錫金各商團俾得同心協力葢斯盛舉云

### 實 業

協贊會開幕紀盛○初一日爲天津河北公園北洋協贊會開幕第一日下午三鐘 護督憲率同印委各官蒞會演說總協理各相繼演說是日園中龍旗高揭結彩張燈鋪張揚厲滿園枯樹多結松球剪紙爲花星羅棋布陳列館中萬貨駢闐十分彪炳園內之中心點爲拋球場其左爲照像樓右卽協贊會辦事處也會中之總理員協理員及各執事庶務接待來賓各員聽差各人悉聚焉園之東北隅爲學會處廣廈高棚最爲軒敞凡津埠商店出售各貨悉隸焉萬貨雜陳分類而列陳列所之度存各貨學會處之出售各貨分天產製造教育美術爲四品皆多至鉅萬燦然畢備惟是日大風揚砂游客尙不甚多各行商店尙未能一律開市然大致亦楚楚可觀云

請撥官荒興辦農業公司○浙江山陰縣優附生陳鳳章等日前聯名通稟各轅請指撥該廳馬鞍村地方荒廢官山集股創辦農業有限公司等情當奉增中丞批示查農務爲實業基礎洵爲今日切要之圖該生等擬在山陰縣屬境馬鞍村內創設農業有限公司集股領墾村內四十四都二圖大小山交湯灣等處荒廢官山究竟其中有無業主能否准其開墾所擬章程有無窒礙仰勸業道卽飭山陰縣迅速詳細查明稟覆

一地方自治當先辦測繪案 清查戶口爲地方自治之始基然調查戶口而無確當地圖終鮮依據是測繪實爲地方自治之母觀諮議局提議事件若分自治區域若興水利若築鐵道若清查荒地若整理田賦何一不當從測繪入手亟宜於每府中學附設測繪一班令各州縣選送深明算學之人入學肄習酌量津貼平地測量一年即可畢業需費無多學成以後分往測繪先以自治公所籌定經費專備此項之用卽面積稍大之州縣約計三年可以竣事此圖旣成不惟地方經費可以從此發生而自治前途亦得完全之效果請公決 沙元炳提議贊成者沈臧壽孫寶書夏寅官張蔭毅于振聲

一請補議江蘇教育事宜議案

本省教育事業應行研究者甚多除江蘇教育總會請議案中已具之各條件外

謹再補述七事請公議決擇 一應籌設之學堂三 一高等工業學堂 二商業教員養成所 三農林教員

養成所 (略說) 高等工業學堂前無基礎應擇地新建商業教員養成所可附設高等商業之內以養成中等

商業學堂之教員農林教員養成所附設蘇州農業中學之內以養成中等或初等農林學堂教員 一應合併

之學堂二 一蘇府官立中學應併入公立中學 二南京方言學堂應併入高等學堂第一類 (略說) 中學

本非完全省立之教育事業且現在高等小學堂尙未十分發達就學者少一府無庸設兩中學堂似宜與公立

中學合併辦理方言程度甚淺論其性質可屬博言科似宜歸入高等學堂第一類以爲他日升入大學博言科

之預備 一應裁撤之學堂一 一存古學堂 (略說) 中小學堂既有讀經一科識其粗淺京師復有經科大

學究其精微存古之設實爲贅疣應建議裁撤 一應推廣之學堂一 一初級師範學堂 (略說) 師範爲國

民教育之母似宜每府各設一校不可限於兩省城 一應補助之學堂三 一初級師範學堂 二府中學堂

三中等實業學堂 (略說) 以上爲中等教育論其性質原屬廳州縣專業然現在雜稅悉聚省城廳州縣更

無所得而中等教育需費頗鉅地方實不勝其負擔查各國學制皆有以國庫稅補助中學教育之事擬仿斯例

每年由省城教育經費撥節項下(能更寬籌允佳)酌定數萬金以爲補助中等教育經費之用 一省立圖書


館改歸提學使主辦以節浮費 (略說) 南京圖書館年費萬餘金而館內所藏皆古籍不合普通之用故往觀

者絕少清閒特甚查學務公所圖書課員亦屬閑曹似應將此館改歸提學使主管酌派課員接辦大抵每年所

省總不在萬金以下 一學務公所議紳應仿日本高等教育會議辦法另行組織 (略說) 議紳職在會議不議即可作不稱職論微聞本省學務公所議紳會議絕少而支薪頗多應亟改良仿日本高等教育會議辦法另選轄內高等中小各學堂之監督堂長教員及教育總會職員各縣視學員教育會長等若干人立一省教育會議會研究教育上重要事項以便推行議紳皆爲名譽職略支旅費 屠寬提議 贊成者謝保衡王楚書俞復秦瑞玠朱溥恩趙衡

一嚴禁彩票議案 一議永遠停止江南安徽之彩票夫彩票報効所得幾何而令社會受種種之弊害宜請督憲將承辦江南彩票之稟未批准者嚴詞駁斥已批准者立予取消并請立行奏咨永遠停止不准再有彩票名目 一議湖北廣東廈門北山六圍票一律停止凡屬彩票而行銷於江督統治權下者請督憲嚴飭各廳州縣一律永遠禁止并飭各廳州縣將境內有無售賣彩票情事列入月報冊內 一議嚴罰私售彩票之人犯則毀其票處三月之禁錮再犯倍之三犯又倍之外人租界初禁時亦有私售之人終以嚴懲而止 以上辦法三條是否可行請公決 姚文枏穆湘瑤提議 贊成者顧忠宣張開圻朱家駒盛之驥秦錫田黃炎培

附說明書 彩票亦秕政之一也漁此區區之微利而導民以賭壞民風損國體莫此爲甚夫官民聚賭則禁之禁之誠是也迺 國家特准牟利之人設此阱人之鉅賭而坐收其利是明明 國家特設賭局以罔民耳且近日彩票已成弩末往往有欠解報効之款且數月者矣利不可得而虛擔此導民以賭之名則名實兩無取焉租界不准販賣而通都大邑彩票之肆林立於市西報騰笑目爲賭國吁可痛已請將無論何項彩票一律嚴禁謹說明其意於左 一曰壞民風農工商賈日入幾何而一二角之微即可購票販者且踵門以求售以一博千執不存此奢願遂以辛苦所得日賤月削以求此不可必得之橫財議員任地方公務時清理倒欠一案傾筐倒篋皆彩票也未嘗不歎民之愚而恨彩票之害人深也夫使民日事生計孳孳於生利之一途則國雖弱而猶可以自振今之社會牛計日蹙而猶嗷嗷焉日翹首以冀豚蹄箒車之俸財此不可不嚴禁者一也 二曰損國體國家租稅制爲常經營捐爲籌餉不得已之舉而日久弊叢輿論騷然且指爲厲民之一大秕政今且准民之開賭而躬任此聚賭抽頭之惡名夫使有鉅款可集疆吏猶當力顧大體別籌富國之策况僅有此二三萬金之收入



保 定 農 務 局 試 驗 場

# 謹告我國四萬萬同胞

大清欽命駐劄新嘉坡總領事特表韋廉士大醫生紅色補丸之奇功並自述其獲益之緣由

韋廉士大醫生紅色補丸近在天下文明各國各等社會莫不明證是丸為名著大陸之聖藥實有使身力復原之奇功也屈指二十餘年以來有無數感恩之人或貧或富或男或女紛紛遺書致謝登報讚揚以申明其由韋廉士大醫生紅色補丸之妙用有得身體康強精力復原之實益在所刊布之保證書中有出自各國富貴大員者有出自著名醫士者有自政府樞臣下至府廳州縣以及各國宗教師格致家富紳巨商各國大醫院之優等看護婦莫不嘖嘖讚賞此丸有起死回生之妙補天浴日之功也茲承大清駐劄新嘉坡兼轄海門等處總領事左公乘隆遺書表揚恭錄如下云韋廉士大醫生所製之紅色補丸親經試驗特予表揚蓋余嘗聞此丸名馳久矣數月前偶試



大清欽命 服之果覺脾胃強健氣體充盈種種奇功筆  
 駐劄新嘉 難盡述因思此丸創製多年衛生家莫不奉  
 坡總領事 為至寶早見風行海內凡我內地諸省倘知  
 左公乘隆 寶貴廣為銷售俾我四萬萬同胞共登壽域  
 表揚韋廉 豈不猗歟爰為之書以徵實驗 大清駐劄  
 士大醫生 新嘉坡總領事左乘隆具 韋廉士大醫生  
 紅色補丸 是丸為醫學家所素知乃使血潔淨使血有  
 之奇功

力並造新血之聖藥也大抵不潔輭弱之血皆為致疾之根由血苟潔淨有力則疾病自能驅除淨盡矣茲將是丸所能療治各疾列後 血薄氣衰 諸虛百損 腦筋衰殘 少年虧喪 陽萎不舉 胃不消化 肝經各病 頭目暈眩 左癱右換 跳舞瘋病 腳氣衝心 山林瘴氣 風溼骨痛 腎酸痠痛 腰酸背疼 胸膈疼痛 乾溼癬癩 藥癬疥疹 皮膚諸症 以及婦女經水不調 肝鬱氣悶等症無不藥到回春 韋廉士大醫生紅色補丸中國各處商店藥局凡經售此藥之處均有出售或直向上海九江路B字第八號韋廉士大醫生藥局總發行處或向四川重慶白象街分局購買亦可價銀每六瓶大洋八元每瓶大洋一元五角 遠近郵費一律不取 謹告購藥諸君請細認能療疾病者係真正韋廉士大醫生紅色補丸並非若市上所售影戲漁利之紅血紅衣等丸也謹防假冒勿為所悞

上海九江路B字第八號韋廉士大醫生藥局啟



商務印書館出版各書上海總發行所分館發售

欽定大清會典事例全書 版式大小謹遵 商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖主函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初蒐無故事朝野皆奉一憲政爲準繩爲國 爲民政府與議員各盡其道中間財政之抗爭 法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

# 南洋勸業直隸出品展覽進行會十一月初一日開幕廣告

啓者本協會前擬十一月朔開會展覽因學會處考職地址不能騰讓當經議定展緩改於十一月初七日午刻十二鐘在河北公園勸業陳列所及學會處兩處開辦展覽近行會嗣因學會處考職日期於本月二十七日即可考竣因又改回於十一月初一日開辦所有陳列所內專設非售亦以備明春運赴南洋比賽重學會處一區專備各工商陳設售品以備游人隨意購取如有擬在本會場內銷售中國貨物以及各項貿易者儘可於會期前五日到公園內出品協會事務所掛號由本會預備地址屆期開幕售賣特此佈告 河北公園內直隸出品協會謹啟

## 天津商務總會代收兩湖吉林水災賑款數目及各善士銜名第五次

### 報告

龍門縣正堂代募第一百六十九號冊共助洋三十六元小洋四角 龍門縣知縣鄭八元 典史余路 都司常  
 教諭范 巡官謝 教員張各助洋二元 城司廳宋 勸學總董何 巡警總董姬 副警董馬 自治研究  
 所講習員何 高小學堂堂長祁 同心當 廣泰成 天順成 廣和永 廣元亨 文生祁殿士各助洋一元  
 司事竇 勸學所勸學員董 慶義德舖民馬宗祥 天成永 廣聚成 廣源恒 玉和樓 源成永 魁陸  
 樓各助洋五角 裕德瑞六角 義成店 玉元生 享義公 祥成義各助洋二角 東光縣正堂代募第二十  
 八號冊共助洋五十一元 東光縣知縣嚴二十元 福祥當四元 主簿余廷瑞 典史劉蘭葵 王雅廷 戈  
 益壽 戈培祿各助洋二元 教諭王 城守營周連陞 警務總局 高等小學堂堂長馬樹昇 勸學所勸學  
 員孫瑞珍 韓祖翼 李汝濬 戈炳琦 孫際霖 孫介眉 孫少泉 王永錫 戈耀南 潘澤 何耀瑩  
 王輔嵩 霍官雲各助洋一元 滄州正堂代募第九號冊共助洋九十七元 滄州正堂萬二十元 滄防營務  
 處黃占春十五元 劉元書 劉元禧 劉元祺 共助洋十五元 滄州防禦恩 防禦慶 防禦雲 防禦國  
 驍騎校善 驍騎校德 驍騎校榮 驍騎校廉 李奉璋 董建勛 張福田 董慶峨 滄州戶科 倉科  
 租科 工發科 承發科 禮科 兵糧科 刑科 鹽兵科 東科 厚雅堂 呂榮甲各助洋一元 滄州公  
 議總錢司 長蘆批驗大使屠各助洋六元 滄州電報局委員劉四元 馬梅儉 吏目孫 巡官鄧各助洋二  
 元 贊皇縣鹽總店代募第一百八十二號冊 恒泰鹽總店十元 以上共助大洋一百九十四元助洋四角  
 天津救急善會具

# 新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北平奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

## 利 文 洋

大小皮包法國洋鏡又新到轉盤換門

本行開設天津上海香港志呢華海參歲等處均設立有年諸班貨物由外洋本機磨廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑲珠寶鑽石戒指耳墜鑲子表鑲大小八音盒並留聲話匣單雙桶千里眼磁蘭磨花穿衣鑲妝梳洋鏡

本行主人啟

## 瑞林祥元記 綢緞洋貨

本號開設北京前門外鮮魚口 天津估依街中間路北 山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

## 武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器球藍 奇巧美術玩器 學界文房用品 旋行携帶等件 精工變身物料 定織各色蓆氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

十月初十日至二十九日代收甘肅賑捐第六期報告清單

田邦彥十枚 陳自新十枚 王德順五枚 邢文傑十枚 劉勝山十枚 薛寬五枚 李成立五枚 崔振江

十枚 張順五枚 胡永祐五枚 孫冠臣五枚 閻福山五枚 劉殿文十枚 雲濬洲十枚 李永錫十枚

景楸十枚 梅長泰十枚 趙良十枚 申富凱五枚 李慶福十枚 無名氏五枚 商其桐十枚 田德楸十

枚 王國安五枚 邵清廉五枚 全壽春五枚 屈煥十枚 無名氏五枚 多芳十枚 張同勳十枚 李家

讓十枚 王肇魁十枚 韓惠卿五枚 張祿五枚 無名氏五枚 趙捷三十枚 趙儒林十枚 張國良五枚

苗珍五枚 王仁瑞五枚 夏振山十枚 許長和十枚 石造福十枚 楊士林五枚 尹學純十枚 多慶

十枚 王起發十枚 趙玉山五枚 無名氏五枚 崔獻臣十枚 楊積盛五枚 曹吉升五枚 周彤云五枚

楊惠明五枚 無名氏五枚 無名氏五枚 (以上經募人王序生共募收滿銅元四百二十枚整) 陸海峰一

元 石納根一元 任价人一元 蔡魯濱一元 馮幼卿一元 王月臣一元 李伯英一元 永得成一元

張六皆一元 趙燮文一元 楊渭翁一元 謝澤安一元 邦叔丙一元 鍾小山一元 德和號一元 石云

升一元 譚玉甫一元 李文卿一元 裴友三一元 劉鶴軒一元 吳怡山一元 萬生木廠一元 錢星五

一元 黃應南一元 楊德記一元 王昂生一元 莊鶴峰一元 李小芬一元 (以上經募人謝澤安共收大

洋二十八元) 張浩如一元 高重翔二元五角 趙增祿二元五角 李鴻賓京錢五百文 (以上經募人趙增

祿共募收大洋六元又京錢五百文整) 陸軍第二鎮軍官佐義助甘肅賑捐 統制官馬龍標三十四元 正參

謀官賈德耀八元 二等參謀官高泉言四元 中軍官陳乘脩四元 正執法官章彭壽四元 正軍需官馬樹

屏四元 正軍械官王榮勳四元 正軍醫官黃毅四元 步三協統領官王占元十八元 步四協統領官鮑貴

卿十八元 步五標統領帶官王金鏡十三元 步六標統領帶官王懋賞十三元 步七標統領帶官朱廷燦十三元

步八標統領帶官王同玉五十三元 馬二標統領帶官高文貴十三元 砲二標統領帶官顧琢塘十三元 步三協參

軍官高鳳歧三元 步四協參軍官楊承植三元 步五標教練官丁搏霄四元 步六標教練官馬汝麟四元

步七標教練官邱長勝四元 步八標教練官康宗仁四元 馬二標教練官劉福洪四元 砲二標教練官王繼

德四元 五標一營管帶官郭占魁十元 五標二營管帶官張英十元 五標三營管帶官韓承灝十元 六標

一營管帶官徐得勝十元

# 本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

## 催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼  
官報局甘肅籌賑處謹啓

## 工商演說廣告

啓者十一月初三日晚八鐘至十一鐘仍借東宣講所內演說工商各項要理並請韓鏡湖先生演說流質上下側三者壓力之功用紀管濬先生演說立憲國之國民有擔任國債之責任宋則久先生演說工商研究之要素務乞各工商屆時惠臨入聽不取分文特先佈告  
天津勸工陳列所謹啓

## 助柴鳴謝

啓者本堂收養孀孤年來人數增多不獨米糧用鉅而冬令燒柴尤為大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃  
廣仁堂公啓

## 鳴謝助款

邑紳花翎候選道李公鴻翰謹遵故父李公鍾瑒遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請督憲奏獎外理合登報鳴謝以為樂善好施者勸  
天津廣仁堂謹啟

## 天津南開私立第一中學堂招考新班學生

考期一在本年十二月初六日上午一在明年正月十八日下午